

КИРОВЕЦ

Тыловой ВКП(б) Райкомлэн но Райисполкомлэн органзы

7 августэ 1937 арын

№ 59

3-тй арзэ потэ

ОТЧЕТ'Я КРИТИКА НО САМОКРИТИКАЭЗ КУЖМОАТОНО

Центросоюзлэн указаниез'я но райисполкомлэн президиумезлэн пунктэмез'я, асьме районамы август толэзе колхоз'ёсын пайшик'ёс азын 1937 арлэн первой полугодиаз ужамзы сярис сельпоослэн ортчётсы ортчоз. Сельпоослэз отчетсэс критика но самокритикаэз зол пуктыса орчытоно. Верано луэ со сярис, что сельпоослэн ужамзы сярис уно на тырмымтэос. Тыловой сельполэн куинь процент нырысь полугодие товарооборот планэз быдэстымтэ. Озы ик кож-сырьё, курегпуз но мукет заготовкэос ляб мыно, 75 проц. сяна быдэстымтэ.

Товарооборотлэн быдэсметез но отчыен сельполэн ужезлэн зечлыкес продавец'ёслэн зеч ужамзы бордысен но луэ. Нош куд-огез продавец'ёс ярантэм ужало. В-Четкер магазиньсь продавец Шельпяков товарооборотэз быдэстыны но ужзэ зеч пуктыны сюлмаськытэк ужаз, татын магазин уно дырбя пытсаськыса улэ, магазинлэн пушкыз чылкыттэм. Тыловой сельполэн магазинэзлэн прода-

вецез Южанин товарез ас тодмосызлы лушкеш вуза, советско-кооперативнэй вузкаронэз тйя.

Тужгес ик Уйвай сельполэн ужез урод пунктэмын. Сельполэн председателез Иванов товар вайыны но товарооборотэз быдэстыны уг сюлмаськы. Кемалась ик өвёл Глазове товар понна мынэм маке, отчы вуылытэк Дебессын нуналэз ортчытйз, товар но өз вайы. 25 июле со Иже товар вайыны шуса мыныса, товар луса но номре өз вайы. Ивановлэн сыче ответственностьэк ужаменыз Уйвай сельпо магазин'ёсын сылал, спичка, тамак но мукет вуз'ёс өвёл. Иванов уборочной у жы н ужась колхозник'ёсты обслуживать карыны уг сюлмаськы. Уйвай сельполэн ужамез сярис отчет'я большевистской критикаэз котькулэсь кужмо пуктоно. Сельпоосын ужасьёсты большевистски ужаны косоно. Уж'ёсты жегатйсьёсты ужысьтызы палэнтыса, выль боевой кужымен ужаны быгатйсь калыкез выдвигать кароно.

Араннысь стахановец'ёс

Шудзялуд сельсоветысь „Новый путь“ колхозысь стахановкаос аран нормазэс мултэсэн быдэсьяло. Князева Екатерина 0,12 га интые, 0,21 га ара, 4 бригадаысь Стрелкова Федосья 0,12 га интые, 0,18 га ара, Коробов Василий 0,17 га но Кардапольцева Лидия 0,18 га арло,

Тыловой сельсоветысь „Республика“ колхозысь Тронина Александра нуналлы быдэ араннын нормазэ 190 культо интые, 200 но ятыр быдэстэ. Первушина Клавдия 205 культо жег ара, Перевозчикова Анна 200 культо ара.

Михайлов.

Жег аран быдтэмын

Тыловой сельсоветысь „Республика“ колхоз 5 августэ жег

аранзэ быдэстйз. Али валэс ю аран кугскемын ни.

300 сюрс мурт виемын

Испаниын фашистской мятежник'ёслэн территориязы террор пумен паськыт вёлме. Фашистской мятежник'ёс мятеж жутскем дырысен ваньзэ 300 сюрс муртэ виизы ни. Соос город'ёсысь мирной калыкез талэсь но троз быдтйзы.

Тяньцзин городын 700 мурт бырыны шедемын

Северной Китайын али кужмо жугиськон'ёс мыно. 7 июле уйин Китайлэн Хэбэй провинцияз японской но китайской войскаос кустын жугиськон кутскиз. Со дырысен жугиськон пумен кужмо.

Японской империалист'ёс выль агрессивез пумен паськытато. Соос военной самолёт'ёсысен китайской город'ёсыз но гурт'ёсыз бомбардировать каро.

Северной Китайысь бадзым портовой но промышленной городын—Тяньцзиньын 29 июле гражданской калык пёлын 700 мурт бырыны шедемын. Японской империалист'ёс городэз бомбардировать карыса, сомында калыкез быдтйзы. Со сяна сюрс юрт'ёс но общественной зданиос тйямын.

Тяньцзин районын японской но китайской войскаос кустын жугиськон али но мынэ. Нанкинской правительство Бэйпин городэ 29-тй армизэ вае. Озы ик, авиация но татчи ваиське. Авиацилы посадочной площадкэос лэсьтйсько.

Японской самолёт'ёс 31 июле китайской войскаослэсь 4 эшалонзэс бомбардировать карызы. Соос 30 июле Бэйпин дорысь Чаньсиньдянь станциез басьтйзы. Тини со станция туж важной стратегической пункт луэ.

38-тй китайской дивизилэн частьёсыз берло дыре партизанской жугиськонлэсь пёртэм формаоссэс уже кутто. Соос японской войскаослэсь связьзэс тйяло.

Альберто Санчеса быриз

ВАЛЕНСИЯ, 29 июле. Брунете гурт понна жугиськонын майор Альберто Санчеса бырыны шедиз. Известной кубинской революционер луэ со. Листерлэн дивизиезлэн одиг батальонэзлэн командирез со вал.

Дыртытэк ужало

Зюзя сельсоветысь „Красное знамя труда“ колхозын уборочной уж туж ляб мынэ. Колхозлэн председателез Бородин ужен уг кивалты. Бородин но счетовод бусые уг ветло, гуртын пуко. Сыче кивалтэмен аран но етин ишкон уж жега, 2 августэ колхозник'ёс ужаны оз потэ. Ужын но кыче учет бвёл, бригадир

ужанэ жытазе гинэ вуылэ. Кин, кőня ара сое бригадир уг тоды, колхозник'ёслэн верамзыя трудодень гожтэ. Таце факт вал: одигез колхозник 100 культо араса, бригадирлы 200 культо арай шуса вераз. Нош бригадир ужез эскерытэк 200 культо ик гожтйз.

Колхозник.

Васильева трактористкаен МТС издеваться кариське

Тыловай МТС-лэн 6 номеро тракторной бригадысьтыз одигез тракторзы кемалась тйаськемын, стройысь потэмын. Нош МТС тракторез тупатон ласянь номре ик оз лэсьты. Та тракторен трактористка Васильева ужа вал. Али трактор тйаськемен сэрэн,

Васильева толэзь чоже ужатэк улэ нй. Нош Васильева кык ар чоже тракторен ужаз ни. Ужез солэн умой пуктэмын вал. Озыно МТС-лэн дирекциез кадр'ёсты умой уже раставить карон ласянь тырмымон уг сюлмаськы.

Вотинцев.

АЗЫТЭМ УЖАЛО

„Труженик“ артель сярысь „Кировец“ газетэ гожтэмын вал нй. Озыно газетысь сигнал'ёс верам артельын ужасьёслы уг шодскы. Тырмымтэосты быдтон ласянь „Труженик“ артельлэн правлениез номыре уг лэсьты. Сапег вурон мастерскойын ужасьёс

Рыков Андреев но мукет'ёсыз юса улонназы производственной планэс уг быдэсьяло. Артельлэн председателез Рыков долген артельысь 200 манетлы басмаос но мукет вуз басьтйз, коньдонэз али но тырымтэ на.

Самсонов.

Нянез люко, базарын вузало

Охан сельсоветысь „Красный партизан“ колхоз государстволы няне одиг килограмм но оз нуы на. Нырысь кутсам зегез трудоденьлы быдэ 400 грамм люкызы. Тйни озыно люкыса, куд хозяйствоос 12—14 пуд зег басьтйзы, нош

ведомость вылэ жынызэ гинэ гожтйзы. Со сяна выль зегез изыса, Дебесс базарын пызен вузазы. Таце уж'ёс понна „Красный партизан“ колхозысь кивалтйсьёслы ужрад кугоно.

Т.

„Красный пахарь“ колхозын уборкаез жегато

В. Четкер сельсоветысь „Красный пахарь“ колхозын уборкаез жегатон вылысь 2 августэ лумбыг оз аралэ. Колхоз председатель Хоршавцев но бригадир Суксин уборочной ужен уг кивальто, юыса дырзэс ортчыто.

Перевозчиков,

Вылйлыко етин понна уг нюрьясько

Шудзялуд сельсоветысь „Новый путь“ колхозын вылйлыко етин мертчан понна уг нюрьясько. Колхозлэн председателез Князев етин бордын ужась звеноез араны кариз. Нош етин ишкыны пинал'ёсты но мойысты юматйз. Татын етинэз урод ишко, жагзэ уг люко, сортэн, сортэн сортировать уг каро.

Милемлы иворто

Уйвай сельполэн нянен вузкарисез Хохрякова Екатерина няньлы дун йылтыса вуза, 85 копейка интые 1 манетэн килограммзэ вуза.

В. Ч.

* * *

Итинск сельсоветысь „Хлебороб“ колхозын яслиын но площадкын пинал'ёсты урод утялто. Пинал'ёслы но кыче культурной шудон'ёс бвёл. Пинал'ёсты кулэтэм кыл'ёсын тышкасько.

И. М.

* * *

Итинск сельсоветысь „Ог'я кужым“ колхозысь Перевозчиков Василий но Кузьмин Василий колхоз ужез олокызы но куашкатыны туртскэ. Араны эн мынэ шуса колхозник'ёс пöлын агитировать каро. Кузьмина Анна Кладовшикын ужа вал. Перевозчиков но Кузьмин сое кышкатызы но Кузьмина ужамысь дугдйз.

И. М.

Иванов урод ужа

Уйвай сельполэн председателез Иванов вуз карон ужез умоятон ласянь но кыче ужрад уг куты. Магазинын нырысь кулэ луись вуз'ёс сылал но спичка но мукет'ёсыз сельпоын бвёл. Иванов алигем Глазове вуз доры мынйсько шуса мынйз но, Дебессын 3 нунал ужатэк дырзэ ортчытйз, вуз чик оз вайы.

Колхозник.

2-тй бригада умой ужа

Шудзялуд сельсоветысь „Новый путь“ колхозысь кыктэти бригада уборочной ужен азымынсь бригада луэ. 6 августэ кыктэти бригада зег аранзэ быдтйз. Бригадир Князев Василий ужен умой кивалтыны быгатэ. Князев жоген зег кизёнзэ но быдтэз.

Кардапольцев.

Ответственный редактор

Н. ХОХРЯКОВ.

Поттйсь Райисполком.